

KOBLENZ

Kowelenz es och tipp-topp

Warom dann bis Nürnberg fahre?
Mir han och en Weihnachtsmaart
met em Ahngebod an Ware
on Geschenke jeder Art!

Rausgebotzt sein Plätz on Stroßße
met Lichter on Tannegreen.
Grond, sich einmol Zeit zo lohse -
Kowelenz em Glanz zo sehn.

Die Beschaulichkait - die leewe -
hollt euch fier dä Bummel met,
doht „ihr“ mol en „Schangse“ geewe,
weil et „die“ heut selten get.

Besser mol en Roh schlawenzelt
dorich die weihnachtliche Stadt,
als met Hektik rom gedänzelt,
wie „einer“ dä Bauchwieh hat.

Alles met Bedacht genehße,
dann winkt euch datt Käufergleck!
Bei'm „Gniffke“ met Wachs zo gehße
es och scheen - fier'n goode Zweck!

Warom dann bis Nürnberg fahre?
Kowelenz es och tipp-topp!
Weihnachtsmaart fiehrt alle Ware,
samsdaachs get et Erwes-Sopp!
Katharina Schaaf

15. 12. 1983 Kath. Schaaf